

過年風俗報恁知

(轉眼之間，新的一冬又閣到了…新年頭舊年尾，阿財佻阿春無意中佇街仔路相拄)

阿春:唉哟~緣投仔兄，看你穿甲規軀新衣，莫非你是去「行春」？(上下比劃，手指做行走狀)

阿財:阿春姐仔，你果然是好眼光！按呢你也看有出來？!(抬頭挺胸，得意)

阿春:遮「新年頭，舊年尾」，你自頭到尾新點點…一看嘛知！

阿財:遮爾^勢！若按呢，咱就來試看覓？

阿春:試看講新年風俗，如何？

阿財：好！無試看覓ê哪會知曉你的能耐？!

阿春：「新正」

阿財：想欲嚇驚阮！「新正」就是舊曆初一~初五—嘛有人說「新春」。

阿春:袂𦵏哦！連遮你攏知！真是一支黑矸仔囉！（烏矸仔貯豆油一看袂出）

阿財：到今你才知，阮嘛是博士博ê。來！莫講阮「看貓的無點」，來~舊曆十二月十六是……？

阿春：「尾牙」拜土地公，順繼予頭家請辦桌。

阿財：我看是予頭家請“走路”！

阿春：呸.呸..呸…！烏白講…十二月二(十)四甲你“送出去”！

阿財：原來我嘛是“神尊”！十二月二(十)四「送神」時，你欲送我啥？是糖仔抑是糕仔餅，予我替你講好話？

阿春：你實在是一隻喺胡累累——到底是咧講啥物！阮家已款年貨時才會去買
糖仔佢糕仔餅來「送神食甜，好話報上天」。

阿財：是~閣愛會記得“買春聯”。來…請問——上重要的是愛貼佢幾字？

阿春：阮知！貼一个「春」年年賸，貼一个「滿」金銀財庫滿厝間。

阿財：閣貼一字「福」——福到~好運到！

阿春：你要ê記得“倒頭貼”（彎腰倒頭）。

阿財：拜託ê！是貼倒頭——『倒著貼』啦！

阿春：唉叻~(撒嬌狀)講著年年賸——今年，你阿母欲炊啥物粿？

阿財：阮阿母講——食甜嘛要食鹹，“甜粿”「食甜甜，大賺錢」，“菜頭粿”
「好彩頭」，兩樣攞食…我就「年年高」（比劃身高）「步步高升」（得意貌）

阿春：遮爾仔^整！阮兜是阿媽買規蕊嬌嬌的“發(花)粿”，來「發粿發財」，
另外，閣買“芋仔粿”來「芋(護)孫」——阮是伊的心肝仔孫。

阿財：真正是欲拼看覓！來~阮兜“三十暝(除夕)圍爐食火鍋”…「紅紅火
火，全家興旺」！內底下菜頭「好彩頭」，青菜「清吉吉祥」，魚丸、
肉丸、蝦丸「三丸(元)及第」

阿春：啊若阮兜是一定愛食魚「年年有賸(魚)」，食元寶(水餃)「新年大發
財，元寶直直輾入來」，！啉甜湯「甜甜蜜蜜」！

阿財：欠一項！（大聲）

阿春：啥！阮猶未講了——「長年菜」是否?!食菠薐仔菜，對頭食到尾~予阮
阿爸阿母「食百二」。

阿財：不是伊項！我講ê是上重要ê……囡佇枕頭下跤……

阿春：(插嘴)「砦紅包」喔！你真貪財！……

阿財：知影就好！你是「枵鬼假細膩」！敢講你攏無提紅包？

阿春：有啦！阮提滿滿ê紅包，等天光去廟裡拜拜求平安。

阿財：「無錯！規攬好好」！初一早！初二早~初二一定愛陪阿母轉去後頭厝……

阿春：(插嘴)轉去提外公、外媽ê紅包！「有食閣有掠」~

阿財：啊~你比我閣較貪財！我攏是佻阿母大包小包轉去換紅包爾爾…

阿春：哈！「龜笑鰲無尾」

阿財：「五十步笑百步」！

阿春：相仝ê啦！

阿財：初三傷忝…只好佇厝裡睏到飽。

阿春：無啦！是“鳥鼠要搬厝”—愛早早去睏，晚晚起。

阿財：初四愛接神~

阿春：是，接你遮隻“胡蠅”！

阿財：哪有，我攏嘛等拜了才食—食了等初五阿爸開工閤鬥食一頓。

阿春：(拍肩)吼！所以「初六挹肥」…食濟放濟…

阿財：(得意貌)阮兜ê菜毋才會攏生甲肥肥白白，看起來白嬌啊白嬌~

阿春：唉！好佳哉「初七七元」食麵線換歲壽！…啊無，我都予你氣死！

阿財：就是按呢，閤來「初八完全」清胃腸，等暗時「初九天公生」放炮了後閣開始……

阿春：食.食..食…(頭痛，搖頭)「初十呷食」是否？

阿財：對！遮句袂𦵏！「十一請𦵏婿」綴阿爸轉去予外公請一頓。

阿春：「十二查某𦵏轉來食泔糜仔配芥菜」…阿母講“足可憐ê”~「查埔也著疼，查某也著戔」，外媽攞予阮食雞腿。

阿財：遐是會“清胃腸”喔?!

阿春：干焦你要清胃腸啦！對三十暝食到十一！

阿財：毋但按呢…「十三關老爺生」~~~(微笑，一臉滿足~)。

阿春：一直食，一直食…

阿財：食到「十四月光」，才有氣力~

阿春：才有氣力？

阿財：做鼓仔燈，才好「十五元宵暝」佻你看花燈、𦵏街，行袂煞(散)……

阿財&阿春：來~各位觀眾斟酌聽，聽阮來講「正月調」唸謠—

「初一早，初二早，初三暎到飽；初四接神，初五隔開，初六就挹肥。

初七七元，初八完全；初九天公生，初十呷食；十一請𦵏婿，十二查某𦵏轉來食泔糜仔配芥菜；十三關老爺生，十四月光，十五是元宵暝。」

過年真趣味！「無禁無忌，食百二」，千萬要ê記得「食魚食肉，也著菜佻」！閒閒散步，拜年𦵏街做運動—人才會輕鬆閣四序。

今仔日講到遮，阿財佻阿春「賣茶講茶芳，賣花講花紅」，佇遮甲逐家行禮落台！